

第四十二卷

第四十三卷

第四十四卷

第四十五卷

第四十六卷

使才理官

學博遺逸

傳

彭炳基抄

莆田縣志卷

使才傳

論語云行已有恥使於四方不辱君命可謂士矣余觀春秋士大夫無不工於辭令賦詩專對往往增重邦交孔子嘗稱管仲晏子鄭僑吳季札之數人者類能擅長外交光輝壇坫七十子之徒惟子貢可使外國公西赤可使與賓客言甚矣使才之難也漢唐之世國威遠播其內附中國者不過西北西南諸夷至宋明之後重譯遠及瀛寰卧榻悉成敵國士大夫狃於一統之局侈然以天朝自居及有清之世昧於外情而交涉之案無不一敗塗地此士大夫之奇恥也余編鄉先賢遺事有才氣豪邁制書得體者得二人焉曰方偕陳睦有才工應對洞悉虜情者得二人焉曰宋棐方廷實有特節不屈氣凌強敵置死生於度外者得二人焉曰林冲之方信孺有使節送迎明習故事者得一人焉曰劉彌正有冒犯風濤海上授命者得一人焉曰黃乾剛有

在外不忘君恩信加於異域者得三人焉曰林元甫彭汝楠林麟煥具述其事為後賢法

宋

方偕字齊古興化縣人父鼎從陳洪進入朝累贈工部侍郎偕十四歲能為文知莆田縣薛奎甚器之年二十第大中祥符五年進士為温州府推官校其州進士州守以客私託偕曰貢舉豈容私情耶黜之守導客訴於監司覆校得實守以是免歲大饑民欲隸軍就廩食州以兵有定額不敢擅募偕詣提點刑獄呂夷簡曰民迫流亡不早募將聚而為盜矣夷簡從之籍為軍者七千人調漣水判官部有浮屠婁道能者能以術却寒暑所至炫民詐贊為姦偕密捕之獄一夕病死沒其財入官餘黨竄去轉運使梁楚薦偕材代還京吏部銓將上舉者姓名或謂偕曰楚害相所甚惡也宜置不叙偕曰梁公知我者倖遷而置之吾不為也及上中書丁謂果沒之出為汀州判官觀察使

唐肅以建安多訟使權知縣事積牒數千旬日頓清遷秘書著作郎歷知潼川資陽縣及福清縣徙監南劍州石碣場景祐二年遷尚書屯田員外郎御史中丞杜衍判審官院被詔舉屬官與偕無雅故以偕材行過人請補殿中侍御史以資歷不合不得命復薦陳御史臺推直官岳州民李氏有鉅貲吏數以事勤之天聖名臣傳唐介澧州逃卒事實不厭所求乃言其家歲殺十二人祠磨馳神知州事孟合嘉探悉捕李族三百人無少長皆榜笞久不伏委沅江令唐介詢之介覆訊按無他狀守怒聞其事於朝詔偕移其獄于澧州偕命告人疏所殺主名驗皆無狀獄遂白坐吏誣告論死州守坐罪去偕擢侍御史康定元年六月南京鴻慶宮火偕引漢罷原廟故事請勿復修詔從偕言葺齋殿每殿設三位位而祠之瘞舊像於宮側元昊陷塞門復攻安遠寨鄜延副都部署趙振不敢救經畧司劾振觀望逗撓法當棄市命偕就同州勘問偕奏兵寡不敢苟出以餌賊無益也振由是得不死慶歷元年奉詔

體量安撫江南西路偕陞辭奏曰民所急者請行而復報庶乎惠澤逮逮於下也仁宗許之比至去貪暴薦循民平冤獄決滯訟威動所部奏罷乳香錦綺之配民間者調鹽鐵判官遷兵部員外郎兼御史知雜事判大理寺糾大
臣之不循禮者除天章閣待制充江淮制置發運使移知杭州遷刑部郎中
轉光祿寺少卿奉使契丹契丹每宴南朝使臣勸酒器不一最大者剖瓢之
半托以金授三升前後使臣無能飲者偕一舉而盡契丹主大驚遣以名馬
號其器為方家瓢後每燕南使必出之以置諸器之右至和二年卒年六十
有四偕歷官以精敏稱喜汲引後進所任保至二百餘人多顯達者酒後聰
明過常宰福清時吏乘偕醉白事明日覆之吏隱其一偕曰更有某事在吏
叩頭謝罪迄終任吏無所容其奸子四人浹漳州長泰令洽守將作監主簿
沃太常寺太祝澤郊祀掌坐

宋史蔡忠惠集

陳睦侗弟嘉佑六年進士第二人熙寧四年以秘閣校理除浙西提點刑獄兼

常平免役水利農田六年召選賜章服除監察御史會神宗欲建六官以正名實命即祕閣校讐六典書成上之除起居舍人天聖以來高麗職貢稍闕至是連歲修貢中國之使不踰海者百年始命安燾往聘擇為副者皆畏縮不行命睦睦慨然絕無難色神宗曰卿奉命即行可嘉特賜仙花金帶睦使還奏言本朝故事惟寶文閣直學士以上乃服金帶前以使事不敢辭令願還所賜特旨令服之後錢勰楊景畧欲援例上竟弗許除糾察在京刑獄兼知審官東院累遷史館修撰判尚書刑部弓外補上曰非久官制行且留京師既而進鴻臚卿命草書慰問高麗嗣王上稱美之尋以直龍圖閣知潭州蘇軾送以詩遷寶文閣侍制知廣州廣南東路經略安撫使卒累贈少保子彥文以職事登對稱旨崇寧四年贈賜進士出身歷戶部侍郎顯謨閣直學士知慶洪楚江四州在江州時盜張過犯州城彥文擊走之建炎初除江淮制置使許入都堂議事卒

宋裴字材成政和五年進士知餘干邵武二縣紹興中入為金部員外郎扈從
幸建康時方用張浚韓世忠圖恢復裴請詔中外臣僚博訪勇力權畧之士
不時舉薦以備採擇從之因留總大軍餼糧調度兵食不擾而辦秦檜專政
頗忌裴奉祠者再用薦召為太尉少卿充全國送正旦使還錄其語以聞
上嘉其有專對才遷太常少卿權禮部侍郎會朝廷謀帥以裴知紹興府兼
浙東安撫使力求去會徐敷文閣待制提舉江州太平興國宮以通議大夫
致仕卒年七十八贈少師子煜歷知循賓惠三州皆有惠政終朝議大夫直
徽猷閣曾孫訥以祖蔭入官歷知程鄉歸善二縣遷通判汀洲史彌遠當國
罷歸端平初起知通判廣州推鋒軍士作亂帥臣曾治鳳棄城遁訥戮力備
禦賊奔他境擢知循州進直學士閣知潮州未上卒

方廷實字公美父監紹聖四年進士官廣東提舉贈大中大夫廷實政和五年
進士為御史臺檢法官時秦檜當國北使張通古來議和廷實疏言臣每論

和議之無益徒沮將士之氣啟叔雄之謀今使人以江南詔諭為名或傳陛下欲屈膝受詔臣不知其所謂嗚乎謹為陛下此也天下者中國之天下祖宗之天下非陛下一人之天下陛下有祖宗積累之基有長江之險甲兵之衆群臣萬姓三軍一心欣戴陛下縱未能克復神州尚可保守江左何遽欲屈膝於彼乎陛下縱忍為此其如中國何其如先王之禮何其如天下之人心何除監察御史尋以宗正少卿被旨宣諭三京淮北廷實至京西謁陵寢見永昌陵而下皆遇驚犯泰陵至暴露廷實解衣以覆之此還檜預使人戒之曰見上幸無言他事且約以美除廷實曰欺君之事吾不忍為及見上歷歷涕泣言之遂求外補不許請益力除直徽猷閣提點福建刑獄至則首疏請解官購贖胡銓罪檜益銜之時海寇竊發廷實謂必得習歷風濤之人用之此以盜禦盜法也有鄭廣輩由此途得武弁廷實延見不以往事遇之其人感激自効盜相繼遁去先是福建例有鋪例免行錢廷實奏除之泉州早

款廷實便宜發常平米賑貸民賴以活改知泉州未至丁艱服闕除廣南東路提刑有挾檜勢為威福者廷實廉得其實案之再上不下遂乞納祿未報卒于官工詩律有集行世廷實負才識善鑑裁所薦多知名士如林安宅龔茂良何大主傳有得林孝澤吳達宋藻黃濬皆一時選也同時有王希韓者宣和六年進士累官大理寺少卿廷實宣諭陝西嘗贈以詩希韓和之曰誰憐定遠不生還驛騎翩翩出漢關未肯西風迴馬首要傳飛檄過千山秦檜方主和議深疾之誣以他事繫獄上閱其勞移尋州殺敵歸卒

林冲之字和叔唐殿中侍御史諱後元符三年進士累官金部郎以不能阿當路滯省寺者十年出守臨江建康二郡請康初召為主客郎中副中書侍郎陳過庭使金所厚者咸勸勿行冲之曰人臣事君生死以之此何時而可辭王事耶遂行同被拘執迨宇文虛中受其命金人亦以是逮之冲之奮厲見祠色金人怒徙之奉聖州既而過庭卒金人迫冲之降不屈徙上京又不屈

元 傳 帥 烈

置顯州極北近寒之地。孟佛寺十餘年。以義命自安。病亟。語同難者曰。冲之年七十二。持忠入地。無恨所恨者。國讐未復耳。南面之慟。而絕僧窆之。寺隅洪皓還朝。以聞。詔與二子官。子郁見忠義傳。

方信孺字季若。松卿子。有萬材。未冠。能文。周必大。楊萬里見而異之。以父廕補番禺縣尉。盜劫海賈。信孺往捕。盜方聚沙上。分擄獲見兵。至惶駭。欲趨舟。信孺已使人負盜舟去矣。悉縛盜不遺一人。韓侂胄舉恢復之謀。諸將僨軍邊。繫不已。會金人有厭兵意。朝廷欲遣使議和。近臣薦信孺可使。自蕭山丞召赴都。命以使事。信孺曰。開繫自我。金人設問。首謀當何以答之。侂胄瞿然。假朝奉。樞密院檢詳文字。充樞密院參謀官。持督師張岩書通問于金。至濠州。金師紇石忽子仁止于獄中。露及環守之。絕其飲食。要以五事。信孺曰。反乎。歸幣可也。縛送首謀於古。無之。稱藩割地。則非臣子所忍言。子仁怒曰。若不望生還。耶。信孺曰。吾將命出國門。已置死生度外矣。至汴。見金左丞相都亢。

師完顏宗浩出就傳舍宗浩使將命者來堅持五說且謂稱金割地自有故事信孺昔靖康倉卒割三鎮紹興以太母故暫屈今日顧可用為故事耶此事不獨小臣不敢言行府亦不敢奏也請面見丞相決之將命者引而前宗浩方坐幄中陳兵見之云五事不從兵南下矣信孺辨對不吐宗浩斥之曰前日稱兵今日求和何也信孺對曰前事興兵復仇為社稷也今日屈已求和為生靈也宗浩不能詰授以報書曰和與戰候再至矣決之信孺還詔侍從兩省臺諫官議所以復命眾議還俘獲罪首謀增歲幣五萬遣信孺再往時吳曦已誅金人氣索然猶執初議信孺曰本朝為增幣已為卑屈况名分地界哉且以曲直較之本朝興兵在去年四月若貽書誘吳曦則去年三月也其曲直固有在矣如以強弱言之若得滁濠我亦得泗漣水若誇胥浦橋之勝我亦有鳳凰山之捷若謂我不能下宿壽若圍廬和楚果能下乎五事已從其三而猶不我聽不過再加兵耳金人見信孺忠懇乃曰割地之議

姑寢但稱藩不從當以縣為伯歲幣外別犒師可也信孺固執不許宗浩計窮遂密與定約復命再差充通謝國信所參謀官奉國書誓草及許通謝百萬緡至汴宗浩盡變前說怒信孺不由折達白達以誓書來有誅戮禁鎮語信孺不為動將命曰此事非犒軍錢可了須別出事自信孺曰歲幣不可再增故代以通謝錢今得此求彼吾惟有隕首而已將命曰不爾丞相欲留公信孺曰留於此死辱命亦死不若死於此會蜀兵取散關金人益疑信孺還言敵所欲者五事割兩淮一增歲幣二犒軍三索歸正等人四其五不敢言他曹再三問厲聲詰之信孺徐曰欲得太師頭耳仇胃大怒奪三秩臨江軍居住信孺自春至秋使金三往返以口折強敵金人計屈情見憤其不從議用弗就己而王柙出使定和議增幣函首皆前信孺所持不可者柙每見金人必問信孺安在乃詔信孺自便尋通判肇慶府復奉議郎峒寇竊發被旨同廖德明措置收捕就命知韻州至郡即封崇張九齡余靖墓擒赤水峒賊

名 三 車

戮之轉承議知道州尋提點廣東刑獄奏縱不決之訟數年金還淮東轉運判官知真州即北山櫃水築石堤袤二十里人莫知其所為後金人簿儀真守將決水櫃以卻敵城乃獲全山東初內附信孺言豪傑不可以虛兵駕馭武夫不可以弱勢彈壓宜選威望重臣將精兵數萬開幕于此以主制客以重馭輕測可以包山東固江北而兩河在吾目中矣坐責降王秩再奉祠亡何卒信孺性豪爽揮金如土所至賓客滿其後東使北時年甫三十既歸築居石室若自放於詩酒賞用竭賓客益落信孺尋亦死矣

劉彌正字達翁夙子幼率諸弟勤苦緝故業貧不能具膏火旁嫗夜績者光射窗牖轉携書就之淳熙中登進士第歷潮州司戶參軍監鎮江府榷貨務茶場知撫州臨川縣嘉禾末入為諸司糧料院太常寺主簿樞密編修官太常丞兼左曹郎官提舉轉運淮東召為吏部員外郎兼考功右司選左司郎中以直寶謨閣為運判遂自副使為太常少卿國史院編修實錄院檢討官除

起居舍人吏部侍郎彌正臨事功果立發必達其志而後已在臨川守以時
零稅逼縣彌正故為寬期曰此於法不當徵也守怒甚荷邑胥杖廷諾彌正
彌正曰以喜怒罪令則可然時零稅不可得也歲旱按田傷者自蠲之端午
守戒縣取鼓以節渡者且徵彌正至其所曰無令敢譁彌正曰民無鼓而知
縣有公事不可往往尉職耳開禧二年冬虜舉國入寇蜀楚淮徐同日被兵
上詔邊臣謹城壁縱民徙內地虜求戰不得剽掠無所獲既而大雪數尺凍
鐵大半死獨留數千人於濠州以綴和明年六月彌正為賀金國生辰使虜
論議往還未決彌正至揚州詔還潤州以俟自兵起鹽商不敢行傳言虜且
犯通秦而提舉官相繼逐鹽利大乏朝廷惠之即京口用彌正提舉淮東常
平鹽事彌正曰鹽在北奈何移司於南遂渡江益賃亭戶鹽遂增積又明年
嘉定改元就為轉運判官虜卒請和彌正得運司留錢旋覲視通問賀生辰
使各一又自為接送遺留使三年為兩浙轉運判官四年為浙使自浙徂淮

凡北使往迎之事經彌正裁定後皆為成武州縣無橫費暴斂兩浙運司各有贏財陳丞相自強憾彌正不附已故出以使虜又意虜獲犯淮故使為提鹽皆欲以危地陷之彌正既盡通鹽利則力緘武將之兼州者使還奉法奏罷軍功雜流之為縣者悉注文臣賑其部之貧民錢米各有差其至真州也官私屋初立坊巷始具城樓櫓皆新成取廣儲富安倉稻麥以食餓羸淮東漸如平時其始入朝也兵禍將起韓侂胄召使議鐵錢實以邊事付之彌正言無故而先發天理不順無豫而輕舉人謀不從侂胄怒促進師既皆潰敗彌正又言今虜頓要我和急之則權在人矣緩敵莫難於財若令任帥守監司管軍以上資豪其地皆有以佐軍需而宮掖之奉胥吏蠹食悉加裁撙使國用未甚屈則虜可力持而計可徐定也在太常言初相光宗周必大留正也及升祔獨葛恤已死遂得配食今二臣亡矣請別議應配者詔下其事太常議朱熹文忠彌正為考功即覆議定曰文為侍郎一月即以病自乞不

許嘉定六年卒年五十七林似之建臨川三賢以祀黃勉齋文丞相彌正與馬子克莊克遜見列傳

明

黃乾亨安汝享號偶軒成化甲午鄉薦第一乙未進士官行人司行人奉命冊封滿剌加副使歸別母瞻戀泣下叔父仲昭命子乾剛同行遇颶風舟覆兄弟同溺焉事聞贈司副錄其子如金入監

林元甫字衷仁蘊裔成化乙未進士選工科給事中詔充冊封占城使以建言罷遣丁內艱服除改南科又以丁外艱去服闋補禮科陞都給事中嘗請建國本斥遠物及省費恤患之類皆切時政遷山東左參政值歲歉議者欲稅額石加五升以備賑濟元甫謂加賦害民不如不賑宗藩之妃葬致大擴營域元甫以非制且奪民田不可遷雲南右布政使轉陝西左布政屬火節寇邊餽餉繁元甫調度隨宜軍以無乏民不為病陞都察院右都御史巡撫

四川蜀寇作設策平之上賜以銀幣未幾移元甫雲南將召食以疾乞休疏
三上乃許竟卒元甫儀度間整存心厚而容物宏時論頗多之子有恆以廢
授都察院都事有孚正德辛未進士僉都御史

彭汝楠字伯棟文質孫萬曆丙辰進士授會稽知縣判決疑獄懲罰巨惡人驚
為神以泣行擢禮部給事中時魏忠賢擅權汝楠疏論紅丸一案謂李可灼
用藥罪在不赦而崔文昇之罪浮於可灼尤不容逭至謂君父之仇不共戴
天奈何甫一歲而忘上怒譴罪罰幾殆旋命巡視京營極力整於積弊釐然
一清轉吏科瑯瑯益熾汝楠糾其冒秩濫廩虛耗錢糧各事旋奉命冊封海
外陛辭上疏云楊漣參忠賢一疏未奉明旨處分人情共忿引趙高鹿馬為
喻乞將一切罪狀直窮到底明正德法紀人尤為汝楠危汝南單車就道絕
不為意忠賢使人私結納汝楠峻拒之復命日又疏諫逮繫立枷及九門監
稅諸苛法不蒙省納晉禮科都復率六科伏闕請省刑薄稅以回天變者三